

Y PWYLLGOR CRAFFU ADDYSG A PHLANT

22 RHAGFYR 2016

Yn bresennol: Y Cynghorydd J.E. Williams (Cadeirydd)

Y Cynghorwyr: C.A. Campbell, J.M. Charles, I.W. Davies, W.G. Hopkins, P. Hughes-Griffiths, J.D. James, P.E.M. Jones, M.J.A. Lewis, D.W.H. Richards

Y Cynghorydd I.J. Jackson – Yn dirprwyo ar ran y Cynghorydd A. James

Mrs. V. Kenny – Cynrychiolydd yr Eglwys Gatholig Rufeinig

Mrs. K. Hill – Rhiant-lywodraethwr (Ardal Dinefwr)

Mrs. J. Voyle Williams – Cynrychiolydd yr Eglwys yng Nghymru

Hefyd yn bresennol:

Y Cynghorydd D.M. Jenkins – Yr Aelod o'r Bwrdd Gweithredol dros Adnoddau

Y Cynghorydd G.O. Jones – Yr Aelod o'r Bwrdd Gweithredol dros Addysg a Phlant

Roedd y swyddogion canlynol yn bresennol yn y cyfarfod:

Mr. C. Moore - Cyfarwyddwr y Gwasanaethau Corfforaethol

Mr. G. Morgans – Cyfarwyddwr Addysg a Gwasanaethau Plant Dros Dro

Mr. A. Rees - Pennaeth Rhaglenni Dysgwyr

Mr. S. Smith - Pennaeth y Gwasanaethau Plant

Mr. D. Astins - Y Rheolwr Datblygu Strategol

Mrs. C. Griffiths – Ymgynghorydd Her

Ms. S Nolan - Cyfrifydd y Grŵp

Mr. M. Hughes - Swyddog Gwasanaethau Democrataidd

Lleoliad: Siambr Neuadd y Sir, Caerfyrddin (2:00 – 3:55pm)

1. YMDDIHEURIADAU AM ABSENOLDEB A MATERION ERAILL

Derbyniwyd ymddiheuriadau am absenoldeb gan y Cynghorwyr A. James a J. Williams, yn ogystal â Mrs. E. Heyes a Mrs. A. Pickles (Rhiant-lywodraethwyr).

2. DATGAN BUDDIANNAU PERSONOL

Cynghorydd	Rhif y Cofnod(ion)	Y Math o Fuddiant
Y Cynghorydd D.J.R Bartlett	Eitemau 6 – 10	Ef yw Llywydd Cangen Sir Gaerfyrddin o Undeb Cenedlaethol yr Athrawon.

Cynghorydd	Rhif y Cofnod(ion)	Y Math o Fuddiant
Y Cynghorydd C.A. Campbell	Eitemau 6 – 10	Ar hyn o bryd mae'n gwneud gwaith ymgynghorol ar ran ERW.
Y Cynghorydd M.J.A. Lewis	Eitemau 6 – 10	Hi yw Is-lywydd Cymdeithas Ffermwyr Ifanc Cymru.

3. DATGAN CHWIP WAHARDDedig

Ni chafwyd dim datganiadau ynghylch chwipiaid y pleidiau.

4. Cwestiynau gan y Cyhoedd

Nid oedd cwestiynau gan y cyhoedd wedi dod i law.

5. Eitemau ar Gyfer y Dyfodol

PENDERFYNWYD YN UNFRYDOL gan y Pwyllgor y dylid nodi'r eitemau a oedd i'w hystyried yn y cyfarfod nesaf sef ar ddydd Iau, 26 Ionawr 2017.

6. YMGYNGHORI YNGHYLCH STRATEGAETH CYLLIDEB REFENIW 2017/18 HYD AT 2019/20

Bu i'r Cynghorydd D.J.R Bartlett ddatgan buddiant yn gynharach sef ei fod yn Llywydd Cangen Sir Gaerfyrddin o Undeb Cenedlaethol yr Athrawon.

Bu i'r Cynghorydd C.A. Campbell ddatgan buddiant yn gynharach sef ei fod ar hyn o bryd yn gwneud gwaith ymgynghorol ar ran ERW.

Bu i'r Cynghorydd M.J.A. Lewis ddatgan buddiant yn gynharach sef ei bod yn Is-lywydd Cymdeithas Ffermwyr Ifanc Cymru.

Ystyriodd y Pwyllgor Strategaeth y Gyllideb Refeniw ar gyfer 2017/18 hyd at 2019/20 (Atodiad A) a oedd wedi ei chymeradwyo gan y Bwrdd Gweithredol at ddibenion ymgynghori yn y cyfarfod ar 21 Tachwedd 2016. Roedd yr adroddiad yn rhoi'r sefyllfa bresennol i'r Aelodau ynghylch y Gyllideb Refeniw ar gyfer 2017/18, ynghyd â ffigurau dangosol ar gyfer blynyddoedd ariannol 2018/19 a 2019/20. Roedd yr adroddiad yn seiliedig ar ragamcanion y swyddogion o anghenion gwariant, gan ystyried y setliad amodol a gyhoeddwyd gan Lywodraeth Cymru ar 19 Hydref 2016. Roedd hwn yn well na'r hyn a ddisgwyliid yn gyffredinol mewn llywodraeth leol ac roedd yn sefyllfa well na chynllun rhagolygon cyllidebol gwreiddiol yr Awdurdod. Dywedwyd wrth yr aelodau bod y setliad terfynol wedi dod i law y diwrnod blaenorol ac y byddai'r Cyngor yn elwa o swm net ychwanegol o

£382,000. Fodd bynnag, roedd y cyllid ychwanegol yn gysylltiedig â dyletswyddau y byddai disgwyl i'r Awdurdod eu cyflawni mewn perthynas â digartrefedd.

Rhoddwyd gwybod hefyd i'r Pwyllgor bod y cynigion ar gyfer y gyllideb yn rhagdybio y byddai'r £24.6m o arbedion a nodwyd a chynnydd o 2.5% yn y Dreth Gyngor yn cael eu cyflwyno'n llawn. Byddai newid o 1% yn y Dreth Gyngor yn cyfateb i +/- £790,000.

Trafodwyd y materion canlynol wrth ystyried yr adroddiad:

Gofynnwyd am eglurhad ynglŷn â'r hyn oedd yn ymddangos fel diffyg arian wrth gefn a fydd gan ysgolion o fis Mawrth 2018 ymlaen. Mynegwyd pryderon hefyd ynghylch y ffaith bod ysgolion yn defnyddio eu harian wrth gefn i dalu am eu trafferthion ariannol presennol a bod angen adolygu polisi arian wrth gefn yr Awdurdod. Roedd Cyfarwyddwr y Gwasanaethau Corfforaethol yn cydnabod pryderon yr aelodau ond nododd fod yr adroddiad yn seiliedig ar y data a oedd ar gael neu a oedd wedi cael ei roi gan yr ysgolion eu hunain. Nid oedd y ffaith nad oedd yna ffigurau ar hyn o bryd wedi'u rhagamcanu ar gyfer 2018 ymlaen yn adlewyrchiad cywir o'r sefyllfa debygol, ond yn hytrach yn adlewyrchu'r ffaith nad oedd yr ysgolion yn gallu rhagfynegi eu gweddillion ariannol mor bell â hynny i'r dyfodol.

Cyfeiriwyd at orwariannau adrannol a'r risg na fyddai rhyw £1.8m o'r cynigion effeithlonrwydd gwreiddiol ar gyfer 2016/17 yn cael eu cyflwyno'n llawn yn y flwyddyn ariannol gyfredol, Mynegwyd pryder hefyd ynghylch gorwariant yr adran Addysg a Phlant y bu'r Pwyllgor yn ei fonitro drwy gydol y flwyddyn, a holwyd pam nad oedd modd i hyn gael ei ddatrys a pham y caniatwyd i bethau fynd i'r sefyllfa honno yn y lle cyntaf. Roedd Cyfarwyddwr y Gwasanaethau Corfforaethol yn cydnabod y sylwadau ond nododd fod y ffigurau a oedd yn ymwneud â diffyg cyflwyno effeithlonrwydd yn cyfeirio at y sefyllfa fel yr oedd ar y pryd ac y byddai llawer o hyn yn cael ei ddatrys erbyn diwedd y flwyddyn.

Mynegwyd pryder ynghylch y cynnig i godi prisiau prydau ysgol, yn enwedig gan mai Sir Gaerfyrddin oedd â'r prisiau uchaf yng Nghymru a bod y trefniadau prisio presennol yn annheg o ystyried faint o fwyd y mae plant ysgol gynradd yn aml yn ei fwyta, heb sôn am godi'r prisiau eto. Cynigiwyd bod y Bwrdd Gweithredol yn edrych eto ar y cynnig hwn. Cytunodd y Pwyllgor â'r cynnig ond ar gyfer prydau ysgolion cynradd, yn hytrach nag ysgolion uwchradd a oedd yn gweithredu cyfleusterau cafeteria lle'r oedd yno ddewis o fwydydd.

Mynegwyd pryderon hefyd ynghylch y cynnig i wneud lleihad o £70,000 i'r gyllideb Anghenion Addysgol Arbennig graidd i ysgolion ac y byddai gwneud hynny yn amharu ymhellach ar allu ysgolion i gynorthwyo disgyblion a oedd eisoes dan anfantais. Cynigiodd a chymeradwyodd y Pwyllgor fod cais yn cael ei wneud i'r Bwrdd Gweithredol am iddynt ailystyried y cynnig penodol hwn. Mewn ymateb i hyn, cadarnhaodd y Cyfarwyddwr Addysg a Gwasanaethau Plant Dros Dro mai'r cynnig oedd lleihau'r cyllid a roddir i'r 72 o ysgolion mwy o faint sydd â thros gant o ddisgyblion. Byddai'r ddarpariaeth ar gyfer yr ysgolion hyn yn dod allan o'u cyllidebau dirprwyedig. Byddai ysgolion â llai na chant o ddisgyblion yn ceisio cymorth yn uniongyrchol gan yr Awdurdod Lleol mewn perthynas â darpariaeth Anghenion Addysgol Arbennig.

Cyfeiriwyd at y cynnig i wneud lleihad o £1.9m i gyllideb ddirprwyedig yr ysgolion a mynegwyd pryderon difrifol yng ngoleuni setliad Llywodraeth Cymru, sydd yn niwtral

o ran cost, mai gweithred bwrpasol oedd hon a fyddai yn y pen draw yn arwain at fod ysgolion yn colli eu staff mwyaf profiadol wrth iddynt geisio cydbwysu eu cyllidebau. Cynigiwyd eto fod y Bwrdd Gweithredol yn ailystyried y cynnig hwn, a chymeradwyodd y Pwyllgor hyn. Mewn ymateb, atgoffodd Cyfarwyddwr y Gwasanaethau Corfforaethol y Pwyllgor y byddai angen nodi arbedion effeithlonrwydd mewn mannau eraill yng nghyllideb yr adran er mwyn gwrthwynebu cynigion fel yr un hwn. Atgoffodd yr aelodau hefyd fod ysgolion wedi cael eu harbed rhag toriadau sylweddol mewn blynyddoedd blaenorol o gymharu â'r gwasanaethau yng nghylchoedd gorchwyl pwyllgorau craffu eraill (e.e. Gwasanaethau Prifffyrdd)

Mynegwyd siom ynghylch y wasgfa barhaus ar gyllideb yr adran o ganlyniad i gostau sy'n gysylltiedig â threfniadau Ymddeoliad Cynnar Gwirfoddol mewn ysgolion. Roedd y Cyfarwyddwr Addysg a Gwasanaethau Plant Dros Dro yn cydnabod pryderon y Pwyllgor ond dywedodd fod y mater yn un anodd i'r adran ei reoli gan mai llywodraethwyr ysgolion a oedd yn penderfynu ynglŷn â gwariant Ymddeoliad Cynnar Gwirfoddol. Fodd bynnag, rhoddodd sicrwydd i'r Pwyllgor fod y swyddogion wrthi'n ceisio mynd i'r afael â'r gwasgfeuron cyllidebol mewn ysgolion. Rhoddwyd trefniadau ar waith i herio ysgolion ynghylch ceisiadau am Ymddeoliad Cynnar Gwirfoddol yn y dyfodol trwy banel canolog newydd o swyddogion o'r adran ac o'r Gwasanaethau Ariannol. Roedd yr adran hefyd yn ystyried penodi swyddog newydd i weithio gyda'r Tîm TIC yn ysgolion y Sir er mwyn cynorthwyo ysgolion i nodi effeithlonrwydd mewn materion ariannol a gweithredol. Bu'r adran hefyd yn ymchwilio i strwythurau ysgolion a daethant o hyd i ysgolion â niferoedd amrywiol o staff a staff cymorth, er mai niferoedd tebyg o ddisgyblion oedd ganddynt. Y gobaith oedd y byddai'r gwaith hwn yn arwain at greu 'strwythur model' Sir Gaerfyrddin ar gyfer ysgolion o wahanol faint a thrwy hyn, cael unoliaeth o safbwynt strwythurau a niferoedd staff ledled y sir.

Gofynnwyd am eglurhad ynghylch y taliadau a godir ar gyfer cyrsiau Cymraeg i Oedolion a ddarperir gan yr adran. Cytunodd y Cyfarwyddwr Addysg a Gwasanaethau Plant Dros Dro i gadarnhau p'un a oedd y taliadau hyn yn cael eu codi fesul sesiwn neu awr ond ychwanegodd y byddai llawer hefyd yn cael eu cynnal gan grantiau o ffynonellau cyllid eraill. Ychwanegodd y Pennaeth Rhaglenni Dysgwyr fod y prisiau yn hynod gystadleuol o gymharu â darparwyr eraill a bod llawer o'r cyrsiau yn llawn.

PENDERFYNODD y Pwyllgor:

- 6.1 Dderbyn yr Ymgynghori ar y Gyllideb Refeniw 3 Blynedd ar gyfer 2017/18 hyd at 2019/20.
- 6.2 Bod y Crynhoad Taliadau ar gyfer yr Adran Addysg a Phlant yn cael ei gymeradwyo.

PENDERFYNWYD YN UNFRYDOL gan y Pwyllgor:

- 6.3 Ofyn i'r Bwrdd Gweithredol ailystyried y cynigion i godi prisiau prydau ysgol yn y sector cynradd, lleihau cyllid Anghenion Addysgol Arbennig a lleihau cyllidebau dirprwyedig yr ysgolion.

7. Y RHAGLEN GYFALAF BUM MLYNEDD - 2017/18 HYD AT 2021/22

Bu i'r Cynghorydd D.J.R Bartlett ddatgan buddiant yn gynharach sef ei fod yn Llywydd Cangen Sir Gaerfyrddin o Undeb Cenedlaethol yr Athrawon.

Bu i'r Cynghorydd C.A. Campbell ddatgan buddiant yn gynharach sef ei fod ar hyn o bryd yn gwneud gwaith ymgynghorol ar ran ERW.

Bu i'r Cynghorydd M.J.A. Lewis ddatgan buddiant yn gynharach sef ei bod yn Islywydd Cymdeithas Ffermwyr Ifanc Cymru.

Ystyriodd y Pwyllgor y Rhaglen Gyfalaf Bum Mlynedd ar gyfer 2017/18 hyd at 2021/22 (Atodiad A) a gymeradwywyd gan y Bwrdd Gweithredol at ddibenion ymgynghori yn y cyfarfod ar 21 Tachwedd 2016. Nodwyd y byddai'r adborth o'r broses ymgynghori hon, ynghyd â chanlyniad y setliad terfynol, yn cyfrannu at yr adroddiad terfynol y gyllideb a fyddai'n cael ei gyflwyno i'r aelodau i'w ystyried ym mis Chwefror 2017. Nododd y Pwyllgor mai nod y rhaglen gyfalaf arfaethedig, sydd werth £208 miliwn dros y 5 mlynedd, oedd cyflawni nifer o brosiectau allweddol, gan gynnwys creu swyddi a gwella ansawdd bywyd pobl Sir Gaerfyrddin.

Trafodwyd y materion canlynol wrth ystyried yr adroddiad:

Gofynnwyd am eglurhad ynglŷn â pham oedd Talacharn wedi'i gynnwys yn y Rhaglen Moderneiddio Addysg pan nad oedd unrhyw benderfyniad wedi'i wneud mewn perthynas â dyfodol yr ysgolion yn yr ardal hon. Dywedodd y Cyfarwyddwr Addysg a Gwasanaethau Plant Dros Dro wrth y Pwyllgor ei fod wedi'i gynnwys fel bod modd gwneud gwaith ailbroffilio, pe bai'r cynigion ar gyfer ysgolion yr ardal yn mynd rhagddynt a bod angen estyniad newydd i gynnwys mwy o ddisgyblion.

Nodwyd bod Gors-las bellach wedi'i gynnwys yn y rhaglen a bod ysgol newydd i gael ei hadeiladu yn y dyfodol agos, er mai barn y Pwyllgor oedd bod yna lawer o ysgolion eraill mewn angen dybryd am gyfleusterau newydd. Soniodd yr aelodau am eu hymweliad â'r Hendy yn gynharach yn y flwyddyn gan fynegi eu pryder ynglŷn â'r ffaith nad oedd yr ysgol hon wedi'i chynnwys yn y rhaglen er eu bod o'r farn bod angen adeilad newydd yno. Roedd y Cyfarwyddwr Addysg a Gwasanaethau Plant Dros Dro yn cydnabod pryderon y Pwyllgor.

PENDERFYNWYD YN UNFRYDOL gan y Pwyllgor gymeradwyo'r Rhaglen Gyfalaf Bum Mlynedd ar gyfer 2017/18 hyd at 2021/22.

8. CYNLLUN BUSNES ADRANNOL ADDYSG A PHLANT 2017-20

Bu i'r Cynghorydd D.J.R Bartlett ddatgan buddiant yn gynharach sef ei fod yn Llywydd Cangen Sir Gaerfyrddin o Undeb Cenedlaethol yr Athrawon.

Bu i'r Cynghorydd C.A. Campbell ddatgan buddiant yn gynharach sef ei fod ar hyn o bryd yn gwneud gwaith ymgynghorol ar ran ERW.

Bu i'r Cynghorydd M.J.A. Lewis ddatgan buddiant yn gynharach sef ei bod yn Islywydd Cymdeithas Ffermwyr Ifanc Cymru.

Ystyriodd y Pwyllgor Gynllun Busnes Drafft yr Adran Addysg a Phlant ar gyfer 2017-20 a oedd yn amlinellu blaenoriaethau'r adran a sut y byddai'n cefnogi 'pum ffordd o weithio' a nodau Deddf Llesiant Cenedlaethau'r Dyfodol (Cymru) 2015.

Trafodwyd y materion canlynol wrth ystyried yr adroddiad:

Croesawyd parodrwydd yr Adran i gydnabod heriau a meysydd i'w gwella. Awgrymwyd hefyd bod rhaid i'r adran ddelio â chymaint o faterion cymdeithasol eraill a rhoi sylw iddynt, a oedd yn eu tro yn gwanhau pwrpas traddodiadol a phrif bwrpas yr adran ac ysgolion y Sir ac yn effeithio arnynt yn ariannol.

PENDERFYNWYD YN UNFRYDOL gan y Pwyllgor gymeradwyo'r Cynllun Busnes ar gyfer 2017-20.

9. CYNLLUN STRATEGOL Y GYMRAEG MEWN ADDYSG

Bu i'r Cynghorydd D.J.R Bartlett ddatgan buddiant yn gynharach sef ei fod yn Llywydd Cangen Sir Gaerfyrddin o Undeb Cenedlaethol yr Athrawon.

Bu i'r Cynghorydd C.A. Campbell ddatgan buddiant yn gynharach sef ei fod ar hyn o bryd yn gwneud gwaith ymgynghorol ar ran ERW.

Bu i'r Cynghorydd M.J.A. Lewis ddatgan buddiant yn gynharach sef ei bod yn Is-lywydd Cymdeithas Ffermwyr Ifanc Cymru.

Derbyniodd y Pwyllgor fersiwn drafft o Gynllun Strategol y Gymraeg mewn Addysg, yn dilyn cyfnod yr ymgynghoriad cyhoeddus a ddaeth i ben ar 19 Rhagfyr 2016, er mwyn rhoi ystyriaeth iddo. Atgoffwyd y Pwyllgor ei bod yn ofynnol i'r Awdurdod baratoi a chyflwyno Cynllun Strategol y Gymraeg Mewn Addysg er mwyn cydymffurfio â Deddf Safonau a Threfniadaeth Ysgolion Cymru (2013). Gan fod agenda'r cyfarfod wedi'i gyhoeddi cyn diwedd cyfnod yr ymgynghoriad, rhoddwyd trosolwg ar lafar i'r Pwyllgor yn ystod y cyfarfod yn amlinellu'r themâu cyffredinol a materion sy'n codi o'r ymatebion i'r ymgynghoriad. Derbyniwyd cyfanswm o 20 o ymatebion i'r ymgynghoriad.

Trafodwyd y materion canlynol wrth ystyried yr adroddiad:

Cyfeiriwyd at yr angen i hyrwyddo manteision dwyieithrwydd mewn addysg ac roedd Gweithgor Cyfrifiad y Cyngor - yr Iaith Gymraeg wedi tynnu sylw at y mater hwn ac wedi gwneud argymhellion ynglŷn â hyn yn ei adroddiad terfynol. Roedd y Pennaeth Rhaglenni Dysgwyr yn cydnabod bod angen i'r gwaith hwn gael ei barhau ond rhoddodd sicrwydd i'r aelodau bod llawer o waith eisoes wedi cael ei wneud ar y cyd ag Uned Polisi Corfforaethol y Cyngor wrth baratoi ymgyrch hyrwyddol a allai gael ei chyflwyno yn y flwyddyn newydd.

Cyfeiriwyd at y nifer o ddisgyblion nad ydynt yn parhau ar hyd y continwmm iaith mewn ysgol uwchradd pan fyddant yn gadael ysgol gynradd cyfrwng Gymraeg. Mynegwyd siom ynghylch y niferoedd bychan o ddisgyblion a oedd yn dilyn cyrsiau trwy gyfrwng y Gymraeg ar y cyfnodau allweddol hwyrach a thra bod hyn wedi bod yn destun cryn drafod ers nifer o flynyddoedd, mae'r bwlch yn dal i fod heb gael ei leihau. Nododd y Pennaeth Rhaglenni Dysgwyr fod yna ddarpariaeth ym mhob un o'r 'Canlyniadau' sydd wedi'u cynnwys yn y ddogfen ddrafft i fynd i'r afael â hyn a'i gwneud yn fwy naturiol i groesi o un cyfnod allweddol i'r llall. Roedd yna gynnig hefyd i roi fforwm ar waith ar lefel ERW er mwyn mynd i'r afael â'r mater ymhellach.

Awgrymwyd y dylid cynnwys manteision dwyieithrwydd o safbwynt iechyd yr unigolyn yn y Cynllun hefyd, a chyfeiriwyd at ganfyddiadau'r corff o ymchwil rhyngwladol a oedd yn dynodi bod y gallu i siarad mwy nag un iaith yn lleddfu effeithiau clefyd Alzheimers am tua phum mlynedd, o gymharu â'r rheiny a oedd yn siarad un iaith yn unig.

Awgrymwyd hefyd y dylid newid y cymal 'byddwn yn mynd ati'n barhaus gyda'n partneriaid i fonitro'r galw yn ein hardaloedd trefol ac ehangu'r ddarpariaeth yn ôl yr angen' i 'hyrwyddo'n barhaus' gan y dylai'r Awdurdod fod yn hyrwyddo'r iaith yn hytrach nag aros am alwad am gymorth.

Mewn ymateb i'r sylwadau am ddisgyblion nad ydynt yn dewis parhau ar hyd y continwmm iaith mewn addysg uwchradd, awgrymwyd mai un o'r ffactorau mewn rhai ardaloedd o'r sir oedd y ffaith nad oedd gan ddisgyblion fynediad i gludiant digonol i'w cludo i'r ysgol uwchradd cyfrwng Cymraeg agosaf a'u bod, oherwydd y meysydd dalgylch, yn cael eu cyfeirio at ysgol arall.

PENDERFYNWYD YN UNFRYDOL gan y Pwyllgor gymeradwyo Cynllun Strategol y Gymraeg mewn Addysg i gael ei ystyried gan y Bwrdd Gweithredol.

10. DATGANIAD CWRICWLWM DRAFFT SIR GAERFYRDDIN

Bu i'r Cynghorydd D.J.R Bartlett ddatgan buddiant yn gynharach sef ei fod yn Llywydd Cangen Sir Gaerfyrddin o Undeb Cenedlaethol yr Athrawon.

Bu i'r Cynghorydd C.A. Campbell ddatgan buddiant yn gynharach sef ei fod ar hyn o bryd yn gwneud gwaith ymgynghorol ar ran ERW.

Bu i'r Cynghorydd M.J.A. Lewis ddatgan buddiant yn gynharach sef ei bod yn Is-lywydd Cymdeithas Ffermwyr Ifanc Cymru.

Derbyniodd y Pwyllgor gyflwyniad yn amlinellu cydrannau arfaethedig cwricwlwm i'w gynllunio'n lleol a chynigiodd fersiwn drafft o'r egwyddorion lefel uchel ar ffurf Datganiad Cwricwlwm Drafft Sir Gaerfyrddin. Rhoddwyd gwybod y byddai'r cynllun hwn, yn amodol ar gymeradwyaeth gorfforaethol, yn cael ei ddatblygu ymhellach mewn rhaglen dreigl rhwng 2017 a 2021, gan gynnwys ymarferwyr ysgolion ar bob cam o'r broses.

Trafodwyd y materion canlynol wrth ystyried y cyflwyniad:

Cyfeiriwyd at y seminar diweddar i aelodau a gofynnwyd a fyddai yna sesiynau pellach yn cael eu cynnal yn fuan. Cadarnhaodd y Pennaeth Rhaglenni Dysgwyr y byddai rhagor o sesiynau yn cael eu cynnal unwaith y bydd manylion ac arweiniad pellach ar gael oddi wrth Lywodraeth Cymru. Rhagwelwyd hefyd y byddai seminar yn cael ei chynnal gyda chyflogwyr lleol hefyd i gysylltu cwricwlwm y dyfodol â'u hanghenion a bod o fudd economaidd i'r sir.

Croesawyd yr hyblygrwydd arfaethedig i ddarparu ar gyfer anghenion lleol a hyrwyddo hanes lleol a gofynnwyd a yw ysgolion cynradd ar hyn o bryd yn rhoi digon o bwyslais ar hanes Cymru er mwyn i bobl ifanc leol a'r rheiny a allai fod wedi symud i'r ardal gael ymdeimlad o'u gwreiddiau a'u hanes. Roedd y Pennaeth Rhaglenni Dysgwyr yn cytuno, a dywedodd ei bod yn bwysig bod plant a phobl ifanc yn gwerthfawrogi pwy oeddent a bod gwerthoedd yn cael eu gosod ynddynt a fyddai o fudd iddynt yn y dyfodol. Roedd yn cydnabod bod yna faterion pwysig iawn a lleol a materion hanesyddol a allai gael eu cynnwys yn y cwricwlwm ond ei bod hi hefyd yn bwysig peidio â chreu pobl ifanc fewnblyg ond yn hytrach meithrin gwerthfawrogiad o dreftadaeth Cymru a dymuniad i gyfrannu fel dinasyddion bydeang. Ychwanegodd fod y bardd lleol Mererid Hopwood wedi cael gwahoddiad i annerch Ymgynghorwyr Her ERW ynghylch yr agwedd benodol hon ar y cwricwlwm newydd mewn seminar yn y flwyddyn newydd.

Mewn ymateb i ymholiad ynghylch y gwaith presennol a wneir gan yr adran i feithrin a hyrwyddo'r Gymraeg a diwylliant Cymru, cadarnhaodd y Cyfarwyddwr Addysg a Gwasanaethau Plant Dros Dro fod llawer o waith eisoes wedi cael ei wneud yn y

maes hwn a bod gan y Sir nifer o adnoddau ardderchog a oedd yn cael eu defnyddio gan ysgolion.

Cyfeiriwyd at y gwaith o ddatblygu cwricwlwm newydd yn yr Alban a'r bwch o ganlyniad rhwng yr hyn a ddysgwyd mewn ysgolion a'r fframwaith asesu. Gofynnwyd pa fesurau oedd yn cael eu cymryd i sicrhau nad yw hyn yn digwydd yng Nghymru. Roedd y Pennaeth Rhaglenni Dysgwyr yn cydnabod y pryder a dywedodd wrth y Pwyllgor fod is-grŵp eisoes wedi cael ei sefydlu gan Lywodraeth Cymru i ymchwilio ymhellach i hyn a sicrhau nad oedd problem o'r fath yn codi yng Nghymru.

Croesawyd y cam o ddatblygu cwricwlwm newydd ond teimlwyd nad mater i'r Adran Addysg yn unig oedd hwn ond yn hytrach bod angen i holl adrannau'r Cyngor gyfrannu mewn rhyw fodd neu'i gilydd gan fod eu cynlluniau a'u gweithgareddau hefyd yn effeithio ar y cymunedau y mae ysgolion y sir yn gweithredu ynddynt.

PENDERFYNWYD YN UNFRYDOL gan y Pwyllgor gymeradwyo Datganiad Cwricwlwm Drafft Sir Gaerfyrddin i gael ei ystyried gan y Bwrdd Gweithredol.

11. EGLURHAD YNGHYLCH PEIDIO Â CHYFLWYNO ADRODDIAD CRAFFU

PENDERFYNWYD YN UNFRYDOL gan y Pwyllgor i nodi'r eglurhad dros beidio â chyflwyno adroddiad terfynol y Grŵp Gorchwyl a Gorffen.

12. LLOFNODI COFNODION CYFARFOD Y PWYLLGOR A GYNHALIWDYD AR 10 HYDREF 2016 ER MWYN NODI EU BOD YN GYWIR

Estynnodd y Cadeirydd ei longyfarchiadau i Mr. Gareth Morgans ar gael ei benodi'n Gyfarwyddwr Addysg a Gwasanaethau Plant Dros Dro. Rhoddodd y Cyfarwyddwr Dros Dro grynoded i'r Pwyllgor o rai newidiadau i dîm rheoli'r adran a fydd yn golygu bod penaethiaid gwasanaethau ac uwch reolwyr presennol yn ysgwyddo cyfrifoldebau ychwanegol. Byddai rôl Pennaeth y Gwasanaethau Addysg hefyd yn cael ei llenwi trwy drefniant secondiad mewnol a byddai cadarnhad o hyn yn cael ei rannu â'r aelodau maes o law. Mae rôl y Rheolwr Moderneiddio Ysgolion wedi cael ei helaethu trwy gael cyfrifoldebau ychwanegol am arwain prosiectau yn yr Adran Cymunedau.

PENDERFYNWYD YN UNFRYDOL lofnodi bod cofnodion y cyfarfod a gynhaliwyd ddydd Llun 10 Hydref 2016 yn gywir.

LLOFNODWYD: _____ (Cadeirydd)

DYDDIAD: _____